

吳興金石記

吳興金石記卷十三

歸安陸心源伯剛甫纂

元

報恩光孝禪寺置田山碑 石存

湖州報恩光孝禪寺置田山記

古 括 陳 存 撰

古 涪 文 及翁 篆蓋

住 持 沙 門 惠鄰 書并立石

報恩光孝禪寺舊爲天雷 宋徽廟追嚴道場也寺  
無柴山主僧惠鄰當擾攘之後服勤忍辱能以供眾

餘米又捐衣資爲助或成買或勸捨得章氏葉氏龔氏二千五百餘畝山之下□□一百餘畝以贍守山者畫界爲五歲樵其一周而復始又得清塘世三□圍久廢之田或成界買或募捨得趙氏陳氏任氏董氏楊氏湯氏方氏宋氏施氏呂氏朱氏沈氏許氏田五百餘畝三載用工遂成其田每畝租米一石歲儲三百以爲夏供命耆宿掌之以四月朔日爲始撥二十石充一寺僧眾終年淨髮又撥五石歸選僧寮五石歸報德寮俱爲梳髮用冬收就莊支給以酌刀鐮者之勞園內有官田二百五十畝佃種輪梁蓋白陵

谷變更田賦皆增量倍稅有產之家急於脫去寺遂  
得而有之柴米相資歲歲無乏鄰旣詳其本末刻之  
石求數語示來者俾勿壞噫此住持常事也常事不  
書此何以書夫魔邪橫流佛不能救住持不於其法  
於其賄見在者舐鼎而戀嫪未來者操戈以斂攘已  
乃刮骨而剝髓而取償焉於是寺仆而眾散矣鄰乃  
能不專其有爲常住計爲大眾計不亦賢哉迷悟升  
沈皆由一念不盜不貪此心卽佛長口口護持不退  
不轉神通妙用日日現前其爲快樂無有限量豈但  
賢於口渴口倒之流而已時至元甲申十一月日記

碑下截

今具田山坐落頃畝數目下項

常住買到田

霽水鄉□七都杜字貳園田伍畝貳角元買□□乙  
官人田

霽水鄉十八都上伍保

阡字一園田陸段計捌畝貳角元買龔七乙官人田  
阡字二園田叁段計伍畝壹角元買龔七乙官人田  
霽水鄉十八都下伍保

阡字五園田陸段計壹拾畝元買龔官人葉八二官

人沈小一道等田

兵字一圍田伍段計壹拾肆畝壹角並買龔七乙官人田

兵字□圍田貳段計叁畝叁角元買□小一道楊□□等田；

兵字叁圍田柒段計九畝壹角元買□道蔣道龔官人等田

高字貳圍田壹畝貳角元買沈小一道田

高字叁圍田肆段計貳拾捌畝元買龔七乙官人等田

言十三  
二  
雷水鄉清塘□□字叁圍田

壹拾畝元買□□□□田

□□□□□拾柒畝元買買四□□田

伍畝買到俞□三陳万一等田

陸畝買到王念□下王阿女田

肆畝貳角壹拾步元買章□簿田

□叁段元買李千五

壹拾陸畝貳角捌□元買李上舍田

壹拾畝元買沈知縣田

貳拾陸畝買到沈□六娘子隨奩田

伍畝買到鮑稅院田

壹拾貳畝肆拾壹步買到胡提轄田

□□畝元買芮萬□田

一檀越捨到田

霽水鄉□□□世字參圍田

郡城迎春界趙承奉□□捨田叁拾畝叁角 步修

崇先考府判朝散趙公二月二十二日忌

世字貳圍田

郡城報恩界任安人捨到田玖畝薦亡男□二知錄

任公六月初九日忌辰



郡城方元二官人同弟元三官人捨田伍畝薦考妣  
二位正月二十一日忌辰

郡城崇新界□□平安界陳□□同捨田肆拾  
畝叁角參拾柒步修崇先考□□□施十七楊幹  
□忌

郡城□尺港□□幹□田貳拾畝□□□□□□  
□□福資報祖□

郡城□樓界□□□□□田肆畝□□先考小  
三□□□□□

郡城□□界董千五□□□□拾捌畝修崇亡夫

董千五郎四月初五日忌亡男董万四郎五月初五

日忌

府城西□界□□□□捨田陸畝參角參拾步保延  
母親沈氏□□壽□康寧

府城迎春界楊將仕□□□□□楊茂捨田壹拾  
貳畝薦先考楊□□□□□月十七日忌

府城飛英界陳六七秀才捨田玖畝修崇曾祖□□  
□□□□忌辰

以上第一列

□□□□□  
缺 畝壹拾步 缺  
妣余氏八月 缺

府城□□□陳缺先考□□缺

府城倉場界許缺田□考缺

府城□□界缺先考缺

府城東溪坊缺薦亡缺

飛英寺缺

府城缺

上栗用栗缺

上后下連房缺先考□卿男□季一宣放□□□□

□產置到缺界缺

以上第二列

兩浙金石志右碑篆額十二字碑文二十二行下  
截刻田山坐落頃畝數目五十二行俱正書在歸  
安縣天甯寺內此天甯住持惠鄰營贍眾之資而  
紀事也下刻田畝及隨園忌辰頗稱井井其用意  
深矣是時宋亡已五年故撰文篆蓋者止書郡望  
而不結銜按陳存字體仁龍泉人太學上舍瀆祐  
七年第三人文章政事皆有聞譽仕至兵部尙書  
端明殿大學士知慶元府沿海制置使文及翁字  
時學綿州人有咸淳五年傳貽書院記末云朝請  
郎直華文閣權知嘉興府兼管內勸農事節制激

浦金山水軍文及翁記兩浙名賢錄及翁綿州人  
徙居吳興歷官資政殿學士有名朝野宋亡元世  
祖累徵不起閉門著書有文集二十卷

案碑連額高六尺二寸廣三尺三寸下截分二列  
下列雖剝落可辨者五十六字兩浙金石志失收  
今錄如右

長興縣重修廟學記 石佚文見長興願志

長興願志 至元丁亥七月臨邛高純厚撰

空相寺殘碑 石存

上闕天台教尤盛在吳興郡城者二慈感空相 闕寺

以豐裕空相踰城西北隅僻隘瘠陋不絕如綫紹聖

崇簡

闕

沙門

闕

於寺一嘗中興尋復廢隊後百七十

年當咸淳

闕

更創未果會乙亥冬戊卒毀躡過者感

頰春獨口念曰吾志殆將

闕

發或告故文昌沈公作

賓諸孫以居第求售口踵門見之沈曰闕春益喜卽

定議罄已囊得白金千三百兩市之己卯四月領眾

遷入庚辰嘉平首

闕

設講堂門廡庖湑眾宇或因或

革以次就緒闕傍近地規作齋堂伽藍之制纖悉

闕

視昔有加焉旣又祠文昌沈公於東偏厚之至也郡

人見聞歡喜讚歎如出一口蓋春

闕

公勤而勇故能

信於人而潰於成也既落成請記於予吾佛以靜定  
寂滅爲宗山闕而行春東西揀擇憧憧遷徙亦已勞  
矣予曰不然道無在無不在出入有無混合寂闕而  
非靜震動大地而非動細入微塵非小包括無外非  
大父母未生非始盡未來際闕字口多一亦不立非  
少汗牛充棟等恆河沙非多非動非靜非小非大非  
終非始非少非闕卽不離無去無來此無著心如大  
圓鏡如皦日輪變現虛空彌滿法界瞻前忽後火擊  
電飛闕巧者盡力揣摩了不能得云何難得無住著  
故然則子未至寺寺口已遷及其既遷依然故處何

以故道本不泥遷不遷故達者觀此思過半矣春合  
掌起立曰至哉公言吾祖智者如可作也當爲點頭  
一笑前進士眉山家之巽記

朝列大夫同知濟南路總管府事趙孟頫書并篆額  
至元二十九年八月旦日住持傳天台宗教釋行春

立

德清陳必達刻

右碑高四尺六寸廣二尺五寸七分在歸安縣明  
倫堂其陰則卧碑也文十八行行三十七字每行  
上有缺字惟第十五行完全正書字徑寸許寺在



治平間名空相教院見吳興志今在郡城西北隅  
行春始購沈作賓宅遷居之作賓字賓王歸安人  
以父任入仕慶元初歷淮南轉運判官擢大府少  
卿開禧三年知平江府官至戶部尚書顯謨閣學  
士見宋史本傳及姑蘇志其住宅無攷碑云東西  
棟擇幢幢遷徙則不在西北隅可知南宋士大夫  
第宅大半多在月河左右恐作賓故宅亦在其間  
故

國初刻卧碑就近取舊石刻之之巽字志行蜀人宋  
季官臨安府俸寓吳興高峯禪師塔銘及高峯禪

師語錄序皆其所作見吳興藝文補子昂于至元二十九年始進朝列大夫同知濟南府時年三十九元時釋氏勢焰最甚強奪侵占無所不至行春出費購宅尙非恃勢強奪者可比然私財至于三百金豈所謂清修梵行者乎

錯龍盤記

石佚

〔君記〕趙孟頫撰并書在天聖寺嘉靖中諸生爲太守立去思碑乃磨去其文用之

碧瀾二字

石佚

〔湖錄〕趙子昂書刻石湖州公館

天甯寺石刻 石存

天甯萬壽禪寺

石石高九尺五寸廣六尺六寸正書二行行三字  
字徑二尺七寸五分凡兩石在郡城北天甯寺

普覺堂石刻 石存

普覺堂

湖錄二額俱趙孟頫書在天甯寺相傳孟頫欲書  
寺額屢不就偶於僧廚太桌上書之道媚斐疊後  
更他書皆不及遂以桌面刻爲扁額洎朋刻石  
右石高三尺三寸廣一丈三寸正書三字平列字

徑二尺九寸

沁雪石刻 石佚

〔沈周石田集〕鷗波亭前有二石曰沁雪曰垂雲松  
雪八分書垂雲流落雲間沁雪在海虞錢氏

蓮花峯石刻 石存

蓮花峯

篆書三字趙孟頫蓮花莊故物相傳孟頫所書明  
歸朱鳳翔書帶草堂今在潛園刻于太湖石上石  
高一丈四尺字徑四寸五分

靈巖山百福院重建大佛殿記 未見文見孝豐羅志

言十三  
孝豐縣志在本寺大德元年宣授武德將軍廣西  
轉運副使朱穎達記

佛堂嶺石刻

未見

武康縣志在邑西三十八里摩厓書十餘行四傍  
多鍍佛號前有大德元年諸字

重修錦峯塔院碑記

石佚文見東林山志

東林山志大德四年正月上元日資善大夫處州  
路總管兼內勸農事漢東孟滄記昭武謝天麟書  
前進士三山唐垕題蓋住持釋得安募緣立石

寶書橋題字

大德四年歲次庚子四月吉日

右拓本高三尺五寸廣九寸在歸安西南射村

推官廳題名記

石佚

吳興藝文補袁哀撰趙孟頫書

湖錄趙松雪書推官題名明嘉靖中碑湮沒莫知所在王弇州來爲監司求之不得題拓本以誌感焉丁亥冬予在同知廳事前神祠之庭見此碑斷作五段匝砌花臺雖泥塗分裂而文字猶煇煇可誦轉達當事出而置之階前他日未必不仍爲礎石也

推官廳公生明記 石佚

勞志 元至大間潼川馮福京撰趙孟頫書

重建湖州府治碑 石存

湖州路重建府治記

湖州路重建府治記

在昔視邦選侯則必建寢室設官寮廩廡廐庫別其名物而爲之備又必崇垣墉嚴戟衛鐘鼓漏刻警其昏昕而爲之節大抵上以藩屏王朝下以輯甯其社稷人民焉厥後改法度置郡國隨時施宜各有損益於古諸侯之制終不能盡變洪惟

聖元混一區宇與念南服如吳興之爲郡夙號名藩  
宜遴選良二千石以任承流宣化之寄於是廣平馬  
侯膺時隆委以來作牧亦旣治事周視四顧喟然曰  
黃堂是爲太守之聽事而陋若是非所以昭示憲則  
令眾庶見也蓋不可一日不葺歲之不易又念吾之  
赤子不得乳於其母也與同合志几可便於民以全  
其生者靡憚於爲歲稔政治乃召匠計役命推官范  
忠以董之進諸縣大夫而屬之曰某任某職某任某  
事庶克底于成皆曰某等不敏敢不惟命之從更相  
告語聞者謹趨之始于至大己酉三月成于七月培



卑增高加於舊若干尺增廣若干丈屋之高下大小勢不能相權者悉歸於壹堂皇靖深翼以兩廡晨起坐堂上澄神滌慮發號施令如明鏡止水物來而能名事來而能應期會簿書非侯之所謂治也堂曰帥正正身帥下子帥以正孰敢不正如表之端則其影是直理也右曰公生明兩推官之所居也左曰思無邪眾郡幕之所舍也夫公於已而後能公於人公則明明則通溥思也無思土木也惟有思而無所思乎否則邪闊塞此先儒之言不可以末之知也麗譙未嘗所闕尤重腐敗者皆撤而新之銅壺玉漏千里之

丙鼓角驪亮民所欣快况人之置壺必求其安則水  
之浮箭必得其平矣君子以觀政焉聽後爲便齋雲  
窗風檻周回暎帶据經誼律於斯焉可可否惟真  
是之歸又其後爲樓居洞朗軒豁益崇廓以大湖山  
如在戶庭闔里如在日睫類無不得其情者是舉也  
役不踰時民不知役由中徂外惟塗斲茨莫不堅好  
承以木石加以藻繪丹碧焜耀見所未曾士若民皆  
舉手相賀曰昔者煥休之今者賁飾之非侯之力而  
誰然侯未始以自多也乃相與屬記于子子氓也以  
毫懣固謝弗獲蓋予聞蘇文忠公之守杭州也適值

艱食日役千餘夫疏西湖之水填淤爲長隄通巨南  
北部使者以爲問公曰此千餘人者溝中瘠也今日  
旦以其力受食於官宜無不可役竟不爲止遂姓其  
隄曰蘇公隄焉張忠定公之再守成都也以衙樓庫  
陋撤而新之更置刻漏公勤於民事率夜分不寐傳  
漏箭擲堦上鏘然有聲因以自警民歌之曰更點分  
明太守心也至今以爲口實敢合是二者致美於吾  
馬侯俾鑿諸石傳示方將用爲軌範侯名昫字德昌  
觀復齋其自號云其年十一月日長至記 大中大  
天湖州路總管府達魯花赤兼管內勸農事脫帖木

兒 通議大夫湖州路總管兼管內勸農事馬昫

中順大夫同知湖州路總管府事忽撒馬丁 忠武

校尉湖州路總管府治中木八刺沙 承務郎湖州

路總管府判官教化 承事郎湖州路總管府推官

范忠 承務郎湖州路總管府推官郭浩 經歷馮

懷義 知事□□ 照磨彭搏 提控魏澤

兩浙金石志 右碑在湖州府署二門側文二十六

行正書徑寸無揆書銜名題下空闕二行殆當日

留以補刻而未果者郡志載此文爲宇文公諒撰

按元史本傳公諒以至順四年登第此碑立於至

大二年前二十餘年時尚少壯安得昏耄之稱  
此蓋郡志之失爾

右碑連額高六尺四寸廣三尺五寸五分額題湖  
州路重建府治記八字字徑五寸案脫帖木兒爲  
中順大夫江浙行省理問至大元年六月授大中  
大夫湖州路達魯花赤馬煦廣平人嘉議大夫濟  
甯總管至大元年授通議大夫湖州總管治中木  
八刺沙判官教化推官范忠郭浩經歷馮懷義提  
控魏澤湖州府志郡佐表亦無其名治中判官推  
官經歷知事照磨提控等官亦無其目此碑可以

補府志之缺

長興州重修東嶽行宮記

石存

重建東嶽行宮之記

資善大夫徽州路總管孟滴撰

集賢侍講學士中奉大夫趙孟頫書并篆蓋

東嶽行宮者泰山神之別祠也自唐封禪始邵縣咸有之其在長興五峯之麓者創建于宋之紹興戊午迄今二百載矣圯壞不治神不顧歆欽惟

皇上嗣服循禮百神知州呂公澍同知州事馬公鎔稟令從事願瞻祠庭庫陋頽靡大懼歛民望貽神羞

無以稱塞。明詔謀更新之而土木之費無從所出。乃捐祿廩以爲眾倡。於是前白雲宗僧正明奉前釋教提控僧亭會暨諸山尊宿綱紀葺事而邦人謹趨祠下莫不稱力而受任。分曹而責成。輸材赴工百堵俱作。正奠廟堂曰嘉甯之殿。殿前翼爲兩樓。東擬燕寢西擬后閣。又東建太室以奉聖母中殿爲奉祭之所。兩廡列佑神之祠。又南爲正門外爲櫺星門藻櫺繪棋煥焉。一新。冕旒黼黻具嚴像設山川改觀。神人交讜。旣又築菴廟左以居奉祀者。屋以間計凡十七。因而葺治者二十又一撤而改建者四十有九。經始

於皇慶元年十二月落成於今年四月二公屬以記  
余以岱宗魯望也何四方之人奔走薦虔罔敢或後  
公羊氏稱泰山之雲不崇朝而雨天下其威神德惠  
之所加被故記曰山有金篋玉策定人壽修短又唐  
張說著封禪贊云天孫總神靈之府則人之生死禍  
福貴賤貧富帝實司之故世之所敬畏而尊事也厥  
今遐陬異壤孰非神游之所而長興之賢守貳獨能  
興壞起廢仰副

上旨答神休爲民福信可嘉也用述其事刻於麗牲  
之碑併以諭方來相繼必葺俾無壞若夫任事施材



者之名氏具於碑陰茲不復云延祐改元歲在甲寅  
四月十一日記

碑陰

重修建東嶽行宮施主題名

正殿并香花亭白雲宗清福院寂照院積善院忠正  
院下妙德院 中殿白雲宗萬壽寺東陽寺報德院  
碧雲院 崇甯眞君殿本州捕盜司 吳客三眞君  
殿橋西界張賢 華光樓平遼鄉十都潘海 監生  
司收生陳阿范等 子孫司五熟行因元貴徐富周  
敬 都城隍司香燭行宋文政錢思誠鄒文貴姚源

姚福徐全祖宋榮祖 龍王司銀行吳永祥楊新  
速報司玉塵行陳榮周二秀倪成因通王德姚勝倪  
子龍許明 瘟疫司鑿戶沈竹孫朱仲仁姚元善  
李王祠度生行陳安錢通周元俞厚卞良 劉元帥  
司福田社邢福邵福 土地司澆燭打昏印馬行陳  
聰沈應雷章耀 水府司篙師行俞慶沈林周慶毛  
富 善部司沖真觀長生庫 爵祿司木匠孫旺鋸  
匠錢達等 冤枉司本州書狀承發司 長壽司橋  
東界周元善 照證司淨髮行姚珍桑秀費榮錢大  
亭俞慶 積財司裁縫行陳元金贊營琳莫繼祖

打胎司橋西界吳榮 放生司錦鱗行楊富包源費  
致 輪迴司碧緣行陳富沈進 齊僧司糖餅行陸  
進陳良朱文彬鄒宗榮潘宜朱擇善 惡死司本州  
禁子 曹職司曹行錢旺唐桂徐勝談成等 田公  
蠶毋司幹緣 張太尉司五色行馮晟沈琳高元王  
榮 貴賤司幹緣 廨亭一所嘉瑞鄉六都李德安  
已上並重修

樞星門章文因日秀日益 三門白雲宗宗正院妙  
清院報恩院通濟院成積院 甬通本州知州呂奉  
政樹 獻臺本州同知馬奉訓鎔 龍樓鳳閣二所

釋教諸山寺院菴會 聖母殿白雲宗壽聖寺慶遠

院化城院上妙德院永明院慈光院永寧院致慶院

上餘慶院 西齊王殿本州茶園所 清源真君殿

羅漢會張君屋等 忠靖王殿本州司吏貼書 昭

烈王殿本州祇候 昭應侯殿白烏鄉三都姚裕榮

許德安徐文富 皮場王司正冠行姚松因屋姚奉

眞沈德榮王椿盛茂陸程 執正司雙線行吳嚴馬

元費椿陳成黃成姚楠張旺 功德司果行張宣因

貴王應森施元亨 注福司綵帛行金潤張君屋王

涇錢文彪錢德秀 孝順司州西界周日強 掌命

司廚行趙興祖湯勝蔡燧蔡榮 掠刺司飯食行俞

厚卞良沈敬 干聖小王樓酒行高天瑞金林徐榮

祖姚榮朱楚徐政尹 李先師司福田社沈福莫文

志鍾德亮 惡部司幹緣 朝拜祠堂

祖社孫提督因壽三秀倪

千十二秀 等 聖母殿前月臺碑亭幡竿一座同知

馬奉訓叔建 □□菴住持焚修管廟道民張師淨

已上並重建 幹緣沈榮施元亨孫紹榮陳震姚

元吳燾 監修造州吏趙袞 貼書張澤 勸緣監

修官奉訓大夫湖州路同知長興州事馬鎔 勸緣

監修官奉政大夫湖州路長興州知州兼勸農事呂

澗

東岳行宮常住田土

一田貳畝坐落尙吳鄉六都下蔣村租米壹碩捌斗  
木廟白蓮係程二秀捨 一田陸畝坐落白烏鄉四  
都草埭村租米壹碩捌斗租戶丁萬三係蔣百一公  
捨 一田玖畝坐落吉祥鄉一二都瀆東村租米肆  
碩參斗租戶徐正一係智和尙捨 一田肆畝坐落  
白烏鄉一都史家村租米貳碩租戶欽八一係祖和  
尙捨 一田參畝坐落尙吳鄉六都山北村租米壹  
碩捌斗租戶朱六四係祖和尙捨 一田參畝坐落

尙和鄉六都江蔣埧租米壹碩捌斗本廟自運係因  
千十二秀捨 一田□畝柒分伍釐坐落尙吳鄉六  
都華家橋租米壹碩柒斗租戶錢大五係因百九公  
捨 一田叁畝坐落尙吳鄉六都徐和嶺下租米壹  
碩叁斗伍升係楊萬四郎捨本戶就佃 一田叁畝  
伍分坐落尙吳鄉新埧口訓埧租米貳碩陸斗租戶  
張阿五係張千十一秀回施 一田壹畝肆分坐落  
尙吳鄉一都東湖埧租米玖斗租戶孫千一係張千  
十一秀回施 一田二段陸畝坐落白烏鄉一都北  
壩埧租米叁碩陸斗本廟自運係皓大師捨 一田

二段五畝坐落白鳥鄉一都後堰埧租米叁碩陸斗  
租戶周十二係本廟常產 一田壹畝伍釐坐落白  
鳥鄉四都楊家埧租米壹碩本廟自運係周季一秀  
捨 一田貳畝伍分坐落荆溪鄉十都後湖埧租米  
貳碩租戶巖十四係慶山主捨 □□□□畝坐  
落尙吳鄉六都 一山壹拾貳畝坐落吉祥鄉四都  
方石頂租茶捌斤租戶張阿七 一蕩玖畝壹分陸  
釐坐落本廟前 一山肆拾畝坐落吉祥鄉叁都后  
山人口十七道係程二秀捨 一田地竹園計玖畝  
坐落至德鄉四都都茅村租戶潘千五係趙□二秀



兩浙金石志石碑額題篆書重建東岳行宮之記  
八字文十八行行四十字正書徑一寸碑陰上層  
額云重建東嶽行宮施主題名下層額云東嶽行  
宮常住田土皆篆書橫列題名二列字徑七分田  
土一列字徑五分皆正書下一列刻明人建立碑  
亭題記向來拓碑者多遺陰而特表出之碑爲孟  
洄撰文洄字能靜漢東人以蔭入官元詩爵里稱  
其皇慶中歷處州路總管有題高尚書夜山圖詩  
二首載鐵網珊瑚宋詩紀事以爲趙孟洄作誤矣

松雪此書清勁秀拔骨肉兼到可以雁行北海篆  
額亦遒勁當時求公書者非茅紹之鐫刻皆不應  
此碑爲隴西李祐所刻摹勒之妙不亞於茅碑陰  
正篆二體又出一手以史爲上則謬甚錢辛楣少  
詹云向讀南村輟耕錄載連枝秀珠簾秀順時秀  
天生秀等疑爲妓女之稱今讀此刻施捨戶有程  
二秀因千十二秀張千十一秀周季一秀趙口二  
秀始知元時女子皆以秀爲稱若宋人稱第幾娘  
也因氏見于左氏傳自後此姓絕少此刻因姓凡  
數人

案碑高五尺九寸廣二尺九寸在長興五峯山廟  
已毀碑立山下碑陰所列施主姓名出于各業者  
居多後世業捐之濫觴也所載各業今時大約多  
同惟重建子孫司之五熟行重建李王祠之度生  
行重建輪迴司之碧緣行重建速報司之玉塵行  
重建曹職司之曹行今不知爲何業

井欄題字

未見

**武康疏志** 邑東百餘步沈氏後園有古井石欄上  
鑲三十字云承本寺六院道人施財命工疏加圓  
井一口於際庵結緣者延祐改元夏五題

趙子昂白雀山題字

九曲池 子昂

右摩崖高二尺三寸五分廣一尺二寸正書字徑  
六寸五分款字徑二寸在烏程縣北法華山白雀  
寺後

男  
樹藩校字

吳興金石記卷十四

歸安陸心源伯剛甫纂

元

長生講院碑 石存

振太師 顧萬二節幹 莫千一省元 施千三提

幹 照山主 沈千一省元 王九三將仕 陸百

一監局 任千三太君 任八一拱檢 蔣百五省

元 錢百二宣義 華百十五宣義 許千十制幹

果山主 吳氏三娘 屠千四居士 文師幹 陸

百二府幹 顧万一節幹 施七三將仕 施千二

提轄 李三承事 顧九將仕 姚四十將仕 張  
十三承仕 錢百三將仕 沈百十將仕 馮宣二  
道 沈氏一娘 周千二道 方二承事 徐百七  
將仕 陸四六將仕 張廿八將仕 董千一省元  
費八二承事 茅八七省元 沈百二將仕 費  
百二省元 錢五省元 方百七將仕 錢百一節  
幹 華十九承事 顧百十三將仕 顧百七節幹  
陳四朝奉 錢十二承事 吳四一將仕 錢百  
二承事 錢十三將仕 沈十八居士 朱三承事  
延祐二年八月吉旦立石

碑陰

長生講院肇於勝國建炎間殿宇宏敞金碧熒煌鼓  
鐘振揚爲一方之勝尋值兵燹靡有孑遺住持靜覺  
禪師戒律專確有聞於時嘗悼象教之陵遲懼緇流  
之失所爰募善緣丕復舊觀用將名勒石道側噫見  
于羽者想舜德觀河洛者思禹功微師之精勤不足  
以動人之樂施微人之樂施又奚足以成師之巨費  
者哉斯亦可向也已師歿後數稔其徒普仁謂余與  
師有支許之好因乞一言以傳永久余故爲識其后  
使後之嗣師者慎無替師之志云 郡人宇文公諒



題跋

兩浙金石志題名有提幹制幹郎幹師幹府幹節  
幹供檢判司監局提轄宣義將仕承事朝奉皆有  
職或幕掾之屬居士山主當爲邑子太君之稱始  
見此惟馮宣二道周干二道爲不可解

孫履元跋碑已中斷寺僧云道光己酉大水浸及  
殿內數尺壁倒碑斷橫臥水中者數月水退築壁  
乃扶起而復樹之子審碑石上截色白下截色黝  
竊疑上截本是碑之正面而下截乃是碑陰阮文  
達公兩浙金石志亦曰碑凡三列陰刻宇文公諒

題跋豈水退復樹時寺僧不暇細審遂上下互易  
其前後歟上截題名有提幹制幹節幹府幹當是  
提刑制置節度總管府之掾屬唯師幹未詳果山  
主照山主及振太師俱爲釋子之稱文達以爲邑  
子非也

右碑連額高三尺四寸廣一尺九寸正書在烏程  
南潯南柵長生寺殿庭東側碑分二層上層分三  
列上列二十行中列二十二行下列十七行末有  
年月一行字逕五六分下層十五行額題建置檀  
越樹名六字平列字逕二寸六分至三寸不等顧

万二節之節阮志誤耶王九三將仕之王阮志誤  
莫供檢之檢阮志誤檢張十三承仕之仕阮志改  
事沈百十之十阮志誤千沈十八居士之士阮志  
誤仕馮宣二道周千二道卽報國寺布施記陰所  
謂道公也布施記陰所載各人皆有里居稱檀越  
惟華沈三四無里居而曰本寺不稱檀越其爲木  
寺之人可知旣爲本寺僧人不應稱姓必將爲僧  
而未落髮者報國寺碑宗偉開禱間尋師學道至  
南林結草菴時尙未祝髮是其證今俗於寺院雇  
工謂之道菩薩疑卽道公之濫觴節幹者節度使

幹辦公事也制幹者制置使幹辦公事也提幹者  
提舉提刑司幹辦公事也府幹者都督都統府幹  
辦公事也見宋史職官志元無制置使節度使雖  
有提舉司而無幹辦名目若府州雖宋制亦無幹  
官也待衛司皇城司所屬皆有點檢醫藥官供檢  
卽點檢之類諸州簽判諸縣司理司戶爲一班故  
曰判司知州軍有帶提舉兵馬者其屬武職有鈐  
轄有副鈐轄有准備將准備將由主將升差提轄  
者謂提舉兵馬屬下之鈐轄疑卽准備將之類監  
當官掌各鎮稅課之務所謂監局也皆見職官志

朝奉郎正七品宣義郎正八品承事郎正九品將仕郎从九品亦宋制也元制則無宣義朝奉兩階矣其人必于宋季以進納得官非元官也延祐距宋亡三十年故尙存耳今歲貢多稱貢元歲貢始于宋元之際省元者歲貢生員之尊稱宋道士有大師賜號元番僧有國師封號風會所趨必有甘爲之役者今天師之屬亦有道官可捐師幹者其或大師國師之徒黨歟

長興州學經理學田租記 石佚文見長興願志

長興願志陸伯閩撰書并篆額延祐二年

郝中議生祠碑石存

湖州路總管郝中議生祠記

郡人前建康路溧水州儒學教授□□龍撰

承事郎前興化路興化縣尹兼勸農事趙□□書

隋唐以來學者尙詞章遺經術宋慶厯間安定先生

胡公始以體用之學教授蘇湖一新舊習朝廷下湖

州取其法爲太學法召爲國子監直講四方英雋爭

來受業程子亦在其中伊洛之原蓋自此始先生卒

葬於湖州□□昔何楷讀書堂之右蔡忠惠公襄爲

之銘歐陽文忠公脩爲之表可攷也郡以先賢體魄

所藏視護惟謹立祠堂樹松口每歲春秋守貳以下  
至於生徒皆出郊上冢以爲盛事蔡侯節又捐已俸  
卽城西官地建書院以祠先生請奎書以表章口至  
元間墓地忽爲鄰僧所奪毀其屋伐其樹碎其碑藩  
焉以絕省掃之路廣化寺僧襲是迹而動白晝率其  
徒數十人突入書院逐諸生而據其屋像設寓於游  
氏小亭者數年士子求直於有司行省數命復還而  
僧悍然不顧許侯師可遂買屋遷之城北隅墓地固  
未暇問馬侯眴銳意復之弗果僅立祠瘞衣冠於曾  
元墓上歲時望拜而已郝侯始至謁先生祠詢知顛

未慨然曰守土之職風化宜先先賢之墓未復事有  
大於此者乎卽欲復之而未得其間會經界行有土  
者皆得自實侯喜曰此機不可失也亟與達魯花赤  
送理密式正議謀遣歸安宰李拱辰山長嚴與敬往  
視寺僧集眾拒之不得前侯躬率屬官往□□理僧  
知墓非寺地始歸之書院遂命墊其塋域繚以垣墉  
揆日之吉偕同寮暨諸生行釋菜禮廉訪僉事撒德  
彌口巡部至郡美其事大書安定文昭胡公之墓八  
字使刻石置之冢上墓之失三十餘年前是爲守者  
屢欲復之而不口侯談笑集其事自非見之明行之



勇不誅於邪說不撼於浮議其孰能之不僅惟是凡  
郡政皆然惟公而當理故足□服人爾侯累任風憲  
常有澄清天下之志於一郡乎何有蔡侯始建書院  
時諸生卽畫像而祠之許馬二侯因列其□侯復先  
生之墓其功尤大於理宜得祠侯固不欲而眾志不  
可遏乃相與肖其容於絹素而屬記於予焉侯名鑑  
字子明盧龍人世擢科第名族也延祐三年九月九  
日記山長董庚孫嚴與敬立石

善儒趙性善陳開先丁應得凌應蘭陳一登費世奕  
敖得龍周天錫范天與趙篤善章清卿鄭基黎求原

張槩孫學職朱天祐蔡悅何觀國潘觀德學吏章端  
吳興談茂刊

右碑在安定書院高三尺六寸廣二尺二十行行  
四十五字正書字徑七分記稱安定墓爲郝僧所  
奪遣歸安宰李拱辰往理復之廉訪僉事撒德彌  
曰書胡公墓碣案墓碣今已無存拱辰字廷弼磁  
州人居官以廉能名黃文獻集有墓志郝鑑大德  
三年承務郎南行御史台監察御史皇慶中任江  
西肅政廉訪分司修宜黃縣學吳澄爲記見吳文  
正集蓋元之循吏也興化府志縣尹無姓趙者可

補其缺次行題郡人前建康路溧水州儒學教授  
龍撰龍上缺二字案元史牟應龍傳宋亡入元起  
家爲溧水州教授蓋撰文者牟應龍也阮志脫龍  
撰二字第四行脫下湖州取其法爲七字第五行  
脫昔何楷讀四字表僞良第六行脫每歲春三字  
重修飛英塔碑 石存

重修飛英舍利塔記

重修飛英舍利塔記

資善大夫常州路總管兼內勸農事孟洎撰

文林郎江浙等處儒學提舉趙孟頫書并篆額

飛英舍利塔者吳興志云凡三十七層高六十五丈  
神光現於絕頂院周於塔肇自唐中和年創名上乘  
石塔舍利院至宋紹興庚午燬焉歲久未復端平初  
沂王夫人俞氏施貲命錢塘妙淨禪寺比丘尼密印  
董其事卒成之減三十層高半之其後海庵重修遂  
屬妙淨爲子院以無常產主僧弗留頽圯荒落不能  
自振乃請毘山普光蘭若僧惠日住持以圖起廢未  
遂茲願復還普光其徒妙演繼主斯席立志興修然  
赤手視之歷十數年一木一簣未加也迺悉捐衣鉢  
倡其役盡瘁營度不爲私計爾時施者益眾佛事大

集然後木塔之闕者復完山門法堂之仆者復起像  
設莊嚴塲堊明麗寮居覩深鈴語清越自延祐甲寅  
迄於戊午五年而成噫勤矣哉於是演來求記予辭  
之而請益力因謂演塔何所託始曰以舍利爲言舍  
利所從來甚悉當其靈異奇祕固不得而控詰而燬  
劫之餘變化莫測邦之人猶奔走皈慕信施之不倦  
至再廢而再興之亦可以知人心之樂善矣故嘗異  
夫浮屠氏往往持空言集大緣事莫不如志亦其所  
以能然者雖其願力而亦有道矣夫捐己有以示無  
我所用必讐所得以示信至其勇猛精進勤懇專一

則又若果於爲義者是皆有以觸人心之所同既又  
休之以因果以來其好善惡惡之至情故坐以來天  
下之施無難也是其道也然則按其行與名有不同  
者矣嗟夫生人以來所賴以存而不可離者吾觀浮  
屠氏益信矣妙演勤矣所就亦盛矣故爲之記使其  
徒知所以樹立者有道焉耳矣延祐六年十又一月  
旦日記

本院徒弟 嗣謙 嗣敬 嗣恭

任山釋妙演立石

吳興談茂刊

在邊欄外

兩浙金石志石碑文正書二十行行三十五字在  
歸安縣飛英寺居府治之東北隅唐咸通五年忠  
顓禪師建刺史高湜表爲資聖寺中和二年改爲  
上乘寺宋景祐三年改今額塔肇始咸通僧云皎  
自長安來得舍利遂建於此凡三十七層高六十  
五丈紹興雷震端平初沂王夫人俞氏率錢塘密  
印董成之減去三十層塔中空復有小塔制極奇  
巧松雪詩云梯巖直上數百尺俯視層空鳥背過  
道其實也此刻妙演繕塔而孟滄記之觀夫空言  
集事數語浮圖之鋼人亦必有道矣孟頫松雪弟

也

右碑連額高五尺三寸廣二尺四寸正書字逕八分孟顙字子俊官至承務郎南劍州同知亦工書得孟頫之傳宋沂王有四趙仲損徽宗時封齊安郡王後封沂王見宋史太宗諸王傳趙栲徽宗子宣和七年封沂王見徽宗諸王傳趙柄初封吳興郡王後追封沂王見孝宗諸王傳趙貴謙淳祐元年封沂王後封申王此云端平初必貴謙之夫人也

甘棠橋石柱題字 石存



募緣重建甘棠橋

德清縣無思院僧師口 雙溪庵僧明口 在城唐

清口 本路錄事司達魯花赤

時歲次癸亥至治三年八月吉日題

右碑在湖州府城歸安縣治南甘棠橋石柱凡三  
石每高四尺廣一尺八寸字徑二寸甘棠橋宋章  
惇建舊名東駱駝橋德清縣有無思院及雙溪庵  
俱舊志所未載

胡文昭公墓據碑 石存

安定文昭胡公墓據之碑

湖州路安定書院田土錢糧碑記

皇帝聖旨裏湖州路達魯花赤總管府近據儒學申  
安定書院牒省儒趙性善等呈先賢胡安定先生葬  
于何山之原已經數百餘年學院儒人春秋祭祀至  
元二十二年被何山寺僧倚恃楊總統氣力平其墓  
垣斫其墳內樹木毀拆屋宇圍塞行路倒墻碎碑撤  
去神像書院申奉總府及狀經 本道提刑按察司  
江浙等處行中書省陳告蒙行下本路約會總統  
所所委官歸問得元係胡安定公墳山田地書堂秀  
才物業被告僧別無堪信文憑今將胡安定先生墳

墓山地書堂房屋歸還秀才依舊管業雖蒙官司如  
此歸斷寺僧又欺懦人懦弱百十成羣阻遏不容致  
祭連年陳訴不絕延祐二年經理田糧書院山長嚴  
與敬直學潘觀德具由申覆提調學校官郝總管委  
歸安縣尹李承直約會烏程縣尹與山長嚴與敬書  
院耆儒喚集本處耆老看山人等與本寺住持祐長  
老耆舊僧人一同詢問相視得委有前項胡安定先  
生墳墓舊基明白其僧眾耆舊百般恃強不肯歸還  
延祐二年十一月初四日蒙本路總管親詣何山寺  
問得住持長老稱胡先生墳在本寺西牆外蒙總管

以理勸諭住持祐長老并耆舊僧眾合令書院秀才於墳冢周圍用磚石疊砌墻垣仍於墳南溪水邊一直往來行路本寺祐長老耆舊人等商議自願與文狀該稱胡安定先生係前代名賢理宜如是令書院用磚石疊砌墳墻春秋祭祀後蒙 本道肅政廉訪分司撒的迷失僉事巡按勉勵學校又到墳所親書安定文昭胡公之墓立碑鐫置墳所近爲經值久雨損壞書院儒人自備口糧雇人搬運磚石修理不期何山寺僧又行聚眾攔截搶奪所挑磚石實緣寺僧豪強一向占據難以修理阻礙致祭申乞施行得此

行據烏程縣狀申安定書院所爭先賢胡安定先生  
舊有墳墓延祐二年十一月初四日蒙本路總管親  
詣地所以理勘諭何山寺住持僧眾聽從書院儒人  
於墳冢上用磚石疊砌墳塋祭臺仍於墳南至溪水  
邊一直往來行路春秋祭祀已是明白今又勘當相  
同除已行下三碑鄉七都里正勉諭何山寺聽從書  
院儒人於墳所往來春秋祭祀毋致廢弛外申乞照  
驗得此泰定四年四月初六日安定書院狀申奉祠  
陳壽孫呈先賢胡安定先生於嘉祐五年葬于烏程  
縣三碑鄉何山普賢讀書堂之右將及三百年見有

亡宋佔基明白建立表思堂等屋貳拾餘間墓下有  
神道路一帶每歲春秋祭祀至元二十二年有何山  
寺盜掘墳墓拆毀屋宇神像打墻圍塞墓路已經上  
司陳告行下本路約問得元係胡安定先生墳山田  
地本寺別無堪信文憑歸還秀才依舊管業已行砌  
墻築基了當經理田糧供報明白上項道路何山寺  
不行歸還已下烏程縣歸着其何山寺僧又將元築  
界址土墻毀壞侵占墳墻若不申明誠恐埋沒申乞  
照詳得此爲係僧俗相干行下烏程縣委自縣尹于  
承德親詣地所從實相視胡安定先生所葬墳墓四

邊元有田地舊築墻垣神道路門樓書堂自幾年月  
日如何侵占逐一追究明白擬定保結彩畫圖本繳  
連中府回據烏程縣申何山寺耆舊知事僧善南等  
安定書院耆儒黎求原等連名狀告會議得胡安定  
先生係前代名賢今次何山寺情願將胡安定公墳  
南踏道下一直往來舊有門路復還安定書院爲主  
任從諸儒往來祭祀於行路北建置大門以後本寺  
並不敢侵占上項墳路尺寸阻礙經行安定書院自  
復還門路之後亦不得侵占本寺其餘山園地段起  
屋築墻從此兩下攔和永遠息詞備申照詳又據安

定書院申高山長本路天甯等寺禪教諸山住持僧  
浩吾等與何山寺住持僧正印情願和議將胡安定  
先生墓南舊有墳路一直至官路復還書院爲主明  
立合同文書摺告息詞烏程縣准攔繳連墳路圖本  
并和議文書隨狀申解前去乞用印關防給據發下  
施行得此泰定四年九月初七日會請天甯等寺諸  
山住持何山住持同耆舊僧眾安定書院高山長耆  
儒黎求原等到府當堂審問據何山寺耆舊僧善南  
祖梅道融海晏無二靈堅妙域起祖覺興如湛宗福  
自秀寶雲耆儒黎求原范天鳳徐屋趙友周范天定



放復祖何觀國葉寶孫陳壽孫趙由寶狀告烏程縣  
三碑鄉七都何山按吳興誌古名金蓋山晉何楷居  
此習儒後爲吳興太守改爲何山山口有金口山亦  
改何口山何氏讀書堂在焉宋汪藻碑記見存何山  
寺卻係劉宋元嘉年間張邵邱道祚所建元名禪幽  
寺亡宋南渡後趙伯主請爲功德院改名移忠崇報  
禪院胡安定公先生宋寶元年間興明經治事體用  
之學于湖州爲天下倡首其徒數千人於是州民始  
知爲學之本四方取爲法式後其子志康爲杭州察  
推先生就養因沒于杭葬於何山之原有蔡襄墓誌

可考神道路門道係安定書院管掌至元年間何山寺與安定書院儒人陳仲晦吉爭累年不絕至延祐二年十一月初四日本路總管等官與何山寺住持耆舊知事僧人親到本寺西牆外於胡安定公舊墳山所將墓冢墳塋祭享亭基踏道修整墳南至溪水邊一直往來行路令諸儒春秋祭祀本寺住持耆舊眾議胡安定先生係前代名賢理宜如是令知事僧祖意等具狀告官免息爭訟在後本寺不守元議將古有行路上一直往來去處堙塞使諸儒春秋祭祀不得於行路上一直往來到墳以此安定書院奉祠

陳壽孫等又與本寺告論前事今來善南等係本寺  
耆舊書院耆儒爲見兩處訴訟經久不絕僧寺書院  
彼各不安豈敢坐視以此會議得胡安定先生係前  
代名賢有功教化南渡前葬於何楷書堂之右於本  
寺元不相妨既有墓冢必須復還門道墳路以通往  
來除胡安定公所有見存墳禁磚砌享亭基址起蓋  
享亭外今次何山寺將胡安定公墳南踏道下元於  
行路上一直往來到墳舊有門路兩相情願復還安  
定書院爲主任從諸儒往來祭祀其路橫闊計壹丈  
伍尺小尺一直自墳南踏道下至外門行路計柒拾

丈小尺於官有行路北建置大門以後本寺並不敢  
侵占上項墳路尺寸阻礙經行安定書院自復還門  
路之後亦不得違約侵占本寺其餘山園地段起屋  
築牆從此兩下柵和永遠息訟善南等已經具狀告  
蒙烏程縣准柵申奉總府九月初七日會集何山寺  
住持一同善南等耆舊與天甯等寺住持安定書院  
山長者儒人等當官審問善南等和議復還安定先  
生墳路長闊丈尺安置門屋委是兩相情願中間並  
無不盡不實事意除天甯等寺諸山住持與本寺住  
持安定書院山長照依元議彩畫圖本并具審問一

同文狀赴官呈納外善南等和議並是自願卽非官  
司逼抑以後彼此並無爭執如有放違今議罔起爭  
端之人甘當治罪無詞告乞施行得此和議人天甯  
寺住持僧浩吾天聖寺住持僧全一報本寺住持僧  
希庚空相寺住持僧妙真觀堂寺住持僧志師祥符  
寺住持僧妙誠證通寺住持僧與同能仁寺住持僧  
宗鑒施水寺住持僧思善告成寺住持僧法印道場  
寺耆舊僧希渭何山移忠崇報禪寺住持僧正印耆  
舊僧善南祖梅道融海晏無二靈堅妙域起祖覺興  
如湛宗福自秀寶雲安定書院山長高淇耆儒黎求

原徐屋范天鳳趙友周范天定何觀國敖復祖葉寶  
孫謝四孫陳壽孫趙由寶狀稱切謂儒釋之道本無  
不同地土之爭所直甚小況何楷讀書之堂就爲僧  
寺而安定明經之學有補生民其葬地之所存宜後  
人之奉祀有墳必有路夫豈他求爲公非爲私用陳  
和議按吳興誌何山古名金蓋山晉何楷居此習儒  
後爲吳興太守改金蓋山爲何山何氏讀書堂在焉  
宋汪藻爲之記何山寺乃劉宋元嘉年間張邵邱道  
祚所建元名禪幽寺亡宋南渡後趙伯圭請爲功德  
院始改移忠崇報之名胡安定先生宋寶元間興明

經治事體用之學于湖州爲天下倡首其徒數千人於是州民始知爲學之本四方取爲法式後其子志康爲杭州察推先生就養因歿于杭葬于何山之原有蔡襄墓誌可考墓下元有神道路門道屋係安定書院掌管至元年間何山寺與書院儒人陳仲晦等告爭累年不絕至延祐二年十一月本路總管等官與本寺住持耆舊知事僧人親到本寺西牆外於胡安定公舊墳山所將墓冢墳塋享亭基地踏道修整墳南至溪水邊一直往來行路令諸儒春秋祭祀本寺眾議胡安定公先生係前代名賢理宜如此令知

事僧祖意等具狀告官免息爭訟今爲元約往來行  
路未曾開通奉祠陳壽孫又行興詞與本寺告論則  
是兩下亦無他爭惟一墳路有違元議故復敢爭耳  
古者耕者讓畔行者讓路今爲儒爲釋乃因一墳路  
之微致使學院僧寺爭訟不安豈反不如古之耕者  
行者知所義讓哉以此諸山等不敢坐視相與勸和  
會議得有墳必有路在常人不能偏廢況安定先生  
前代名賢有功教化沒在亡宋南渡之前葬于何楷  
書堂之右其時儒釋兩無侵奪之風其冢墓所在豈  
得杜其行路絕其祭祀得罪名教也耶除所有見存



墳禁磚砌亭亭基址就蓋亭亭外今次本寺情願將本墳南踏道下元於行路上一直往來到墳舊有門路復還安定書院爲主任從諸儒往來祭祀其路橫闊計壹丈伍尺小尺一直自墳前踏道下至外門行路計柒拾丈小尺於行路北建置墳門已經如此和議定彩畫圖本併立和議合同文字僧寺書院各收壹本以爲永遠照用及何山移忠崇報禪寺耆舊僧善南等與安定書院耆儒黎求原等具狀經烏程縣告攔了當九月初七日蒙總府會請天甯等寺諸山住持何山移忠崇報禪寺住持同耆舊善南等安定

書院高山長者儒黎求原等到府審問。浩吾等和議  
是否相同。有無不盡。不實事。意今來。浩吾等諸山與  
管舊眾僧當官執覆所議。復還安定先生墳路門道  
長闊丈尺。委是兩相情願。中間和議相同。別無不盡  
不實。已後並無爭執。本寺不敢侵占上項墳路尺寸  
阻礙經行。安定書院自還門路之後。亦不得違約侵  
占何山寺其餘山園地段。起屋築牆。彼此復起爭端。  
今仍彩畫各管圖本。明白標注在前。所審執結是實。  
得此相度。何山寺僧占據胡安定先生墳路。蓋因楊  
總統一時之勢。故起爭端。涉歷四十餘年。儒人爭執。

理亦當然今何山寺住持僧正印耆舊僧善南等天  
甯禪寺住持浩吾與闔郡上刹寺院和議情願將元  
占墳路復還安定書院爲主管業既有彩畫圖本又  
有已定行路丈尺界畔僧儒旣以和議理宜准告總  
府除已牒呈 本道肅政廉訪司分司申覆 江浙  
等處行中書省照詳併將解到圖本和議合同文字  
書院立碑鐫勒外合行出給公據付書院永遠爲業  
應于生員恪奉祭祀毋致廢弛山長得代相沿交割  
施行所有公據須議出給者

右給公據付安定書院收執准此 押 押

泰定四年九月十九日

押

宋瀆祐五年安吉州給到印信砧基壹冊該載侍講  
安定文昭胡公墳塋坐落烏程縣三碑鄉何山有表  
思堂參閣軒屋參閣兩廡肆間更衣亭參閣石砌方  
池畔書堂參閣自墻城外取中打量東至何山寺貼  
屋牆直上山頂計壹拾伍丈西至官路直上山頂計  
壹拾柒丈肆尺南至官路計叁拾丈北至山峯頂計  
肆拾貳丈縫印全給付奉祠陳應甫貢元收執今陳  
壽孫收執

宋咸淳八年正月二十五日奉御寶批尙書省劄付

轉運司出給印信榜文壹道禁戢何山寺僧人等毋  
得侵占安定文昭胡公墳塋山地樵採作踐等事轉  
運司吳判官押榜文壹道縫印全

至元十三年十一月 宣授管軍萬戶行安撫司知  
湖州事奉 伯顏丞相鈞旨給付安定胡公墳所張  
掛禁治諸色軍民人等毋得 行侵占搔擾榜文壹  
道縫印全

至元二十九年二月十一日奉到 江浙等處行中  
書省劄付該合將胡安定先生墳墓山地書堂房屋  
歸還秀才依舊管業劄付壹紙延祐三年七月總管

府禁治諸人毋得侵奪攪擾胡公墳塋榜文壹道緝  
印全

延祐三年十一月本路爲何山寺復還胡公墳墓本  
路中奉 江浙等處行中書省劄付該爲安定先生  
前朝大賢墳墓所在理合尊崇委自本路正官常切  
用心點視更爲出榜依上嚴加禁治毋致似前攪擾  
總管府出給榜文壹道緝印全

前陸項文憑並奉祠陳壽孫收執

泰定四年九月本路總管府出給榜文該爲何山復  
還安定文昭胡公墳路橫闊壹丈伍尺小尺一直自

墳前踏道下至外門行路計柒拾丈小尺榜文壹道  
縫印全山長得代相沿交割收執

安定文昭胡公墓道公據亦以防異日無證之訟明  
文鐫石□□不磨自泰定四年迨至順癸□□□年  
間因循未果有□府史王元珪掌文案慮斯文將來  
或至湮沒與文龍及本院直學趙遇商確請命于□  
提調官總管宰奴丁嘉議□經歷韓惟德承務刻石  
以貽久遠并以至元以來榜文及宋咸淳所出給者  
亦略附載庶後有所考云至順四年十月望山長江  
文龍誌 學吏曹景宗 四明任存中刻

右碑連額高四尺九寸廣二尺五寸五分在安定書院上層五十行行七十四字下層四十六行行十九字正書額題安定文昭胡公墓據之碑篆書五行行二字下題湖州路安定書院田主錢糧碑記十三字平列安定墓道爲何山寺僧恃揚禿勢侵占至郝鑑爲湖州總管始復之此其公據也然安定非無後人胡氏不訟而訟者反爲書院諸生陳壽孫等官給公據不給胡氏子孫反給書院儒生陳壽孫皆不可解據碑安定墳塋元時尙有表思堂三間軒屋三間兩廡四間更衣亭三間石砌



方池畔書堂三間今則片瓦無存儒士亦不聞有祭掃之事可慨也丞相得稱釣旨爲史所不載泰定四年公據有十七丈小尺一丈五尺小尺字樣可知小尺大尺之分元已然矣

寶書橋題字

助緣重建里□□□助緣重建傳□寺僧侍□僧

□明諸□庵院及□信添□助泰定二年歲次己

丑九月□日募緣僧□□拓本高二尺四寸廣九寸

重建本鑑合□□□□□□□□□□丁□正

廿文□□□□□□□□同妻□氏□□□□□□

口 橋鄰信士王口同妻俞氏口助財力拓本高二尺二寸廣

寸九

本里信士沈鸞同母錢氏助銀口兩 信士吳口同

妻口氏助銀口兩 義官口昂同妻口口助銀伍兩

口官口口同姪口口助銀叁兩 信士沈完同妻

高氏助銀叁兩 信士陳完同妻楊氏助銀叁兩拓本

高三尺二寸  
廣一尺一寸

二保信士口年同妻口氏拓本高二尺廣七寸

右在歸安西南射村寶溪一名泛金溪宋葛立方

居此

男  
樹藩校字